



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

XVI. Alternativa inter Fratres Minores S. Francisci de Observ. in Indiis  
Occident.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

XV.

Committitur Episcopo Alexandrino Causa inter Principem Messerani Sedis Apostolicæ Feudatarium, & Communitates d. Loci Messerani, Crevacore &c.

*Ven. Fratr. Episcopo Alexandrin. Provinciae Mediolanen.*

INNOCENTIUS PAPA XI.

*Ven. Frater Salutem, & Apost. Benedictionem.*

Cum sicut accepimus inter dilectum filium nobilem virum Franciscum Ludovicum Ferrerium Eliscum Principem Messerani nuncupatum, & Sedis Apostolicæ Feudatarium ex una, necnon dilectos Filios ejusdem Francisci Ludovici Subditos, seu Vassallos præsertim Terrarum Messerani, & Crevacore Incolas ex altera partibus nonnullæ controversiæ, seu quæstiones sint exorta.

§. 1. Nos diligentem illis informationem capi, processumque desuper confici volentes; Fraternitati tuæ, de cujus prudentia, fide, integritate, rerum agendarum peritia, & dexteritate plurimum in Domino confidimus per præsentem committimus, & mandamus, ut de, & super controversiis, seu quæstionibus hujusmodi diligentem cognitionem capias, ac Processum, seu Processus fabrices, & conficias, exactamque Facti instructionem, & informationem sumas, aliaque desuper necessaria, & quomodolibet opportuna facias, geras, mandes, & exequaris usque ad Sententiam exclusivæ, dantes tibi quamcumque necessariam, & opportunam facultatem substituendi vice tua ad præmissa peragenda aliquam Personam idoneam Ecclesiasticam, vel Sæcularem, attento quod, ( ut pariter accepimus ) eadem controversiæ, seu quæstiones super negotio vere temporali, & profano vertuntur.

§. 2. Cæterum volumus, ut Informationes, & Processus, quas, & quos vigore præsentium ceperis, & confeceris, seu Persona a te substituenda ceperit, & confecerit, in forma authentica sub tuo sigillo clausas, & clausas ad Nos tuto transmittas, ut quod in præmissis statuendum fuerit, matura deliberatione adhibita discernamus.

§. 3. Non obstantibus fel. rec. Bonifacii Papæ VIII. Prædecessoris de una, & Concilii Generalis de duabus dietis, dummodo ultra tres dietas aliquis auctoritate præsentium in Judicium non trahatur, aliisque Constitutionibus, & Ordinationibus Apostolicis; necnon quatenus opus sit supradictarum Terrarum etiam Juramento, confirmatione Apostolica, vel quavis firmitate alia roboratis statutis, & Consuetudinibus; Privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Anno Piscatoris die XII. Aprilis MDCLXXVII. Pontificatus Nostri anno Primo.

*Prætermittitur Bulla in Cena Domini, quam Pontifex die 15. Aprilis hoc anno publicavit cum eam pluries repetitam habeas in præcedentibus Tomis hujus Bullarii, & quoad materias in ea contentas satis est videre Scholia ad Constitut. 62. Pauli V. tom. 3., & Constitut. 16. Alexand. VII. tom. 6.*

*Bullarii Rom. Contin. Pars V.*

Confirmatur Decretum Ministri Generalis, & Commissarii Indiarum Ordinis Fratrum Minorum S. Francisci de Observantia Compromissariorum, quo stabilita fuit alternativa Electionum in Provinciis Indiarum Occidentalium.

*Similem alternativam inter Fratres Indos, & Fratres Hispanos, in Indiis tamen ad habitum admittendos, Ordinis Eremitarum S. Augustini executioni mandari jussit Urbanus VIII. Constit. 90. Alias a fel. record., & 91. Alias fel. record. Bullar. Roman. tom. 5. pag. 156.*

INNOCENTIUS PAPA XI.

*Ad futuram rei memoriam.*

Illius qui charitas est, & Deus pacis, vices licet immeriti, gerentes in terris, illa quæ pro stabilenda inter Religiosos viros Altissimi obsequiis sub arctioris vitæ regula mancipatos animarum concordia, felicitique eorum gubernio provide constituta esse noscuntur, ut firma, atque illibata persistant, Apostolici muniminis præsidio; cum id a Nobis petitur libenter corroboramus.

§. 1. Exponi siquidem Nobis nuper fecerunt dilecti filii Fratres Provincialium in Indiis Occidentalibus consistentium Ordinis Minorum Sancti Francisci de Observantia nuncupatorum, quod alias postquam in Capitulo Generali dicti Ordinis anno 1664. celebrato, auditis partibus contententibus, declarata fuerat certa alternativa in electione Ministri Provincialis, Custodis, & Diffinitorum in dictis Provinciis in posterum observanda, partes recursum habuerunt, una ad fel. rec. Alexandrum PP. VII. Prædecessorem nostrum pro confirmatione dictæ alternativæ, altera vero hanc impugnando ad Congregationem S. R. E. Cardinalium tunc existentium negotiis, & consultationibus Episcoporum, & Regularium præpositam, unde una eademque die 20. Junii dicti anni emanarunt a dicto quidem Alexandro Prædecessore literæ in simili forma Brevis pro dicta Alternativa, a præfata vero Cardinalium Congregatione, Decretum de nihil super ea innovando.

Cumque in Capitulo, etiam Generali ejusdem Ordinis anno 1670. auditis similiter partibus, iterum statutum fuisset Alternativam hujusmodi debere observari, nec tamen observatum, altera ex partibus obedire rennente; novissime in proxime præterito Capitulo Generali Ordinis hujusmodi causa iterum proposita, ejus resolutio a Generali Diffinitorio compromittente dictis filiis Ministro Generali dicti Ordinis, & Commissario Indiarum in Curia Madritensi residenti ejusdem Ordinis fuit commissa, & præfata Cardinalium Congregatio die 12. Junii 1676. commisit eisdem, ut etiam auctoritate ipsius Congregationis, litibus finem imponerent, & prout secundum Deum judicavissent expedire providerent.

§. 2. Unde ipse Minister Generalis, & Commissarius Indiarum vigore compromissi, & auctoritate Congregationis hujusmodi die 26. Aprilis proxime præteriti Decretum tulerunt, cujus de Hispanico idiomate in latinum versi tenor est qui sequitur videlicet: Nos Fr. Joseph Ximenes Samaniego totius Ordinis S. P. N. Francisci Ministri Generalis, & Fr. Joannes Luengo Indiarum Commissarius Generalis Compromissarii Capituli Generalis Romæ celebrati sub festo Pentecostes anni præteriti 1676. vigore Decreti sequentis: Pro Causis Provincias Indiarum Occidentalium concernentibus, quæ in hoc Capitulo fuerunt propositæ Diffinitorium Generale compromittit in Rmum P. Nostri Ministerium Generalem, & Rmum Patrem Commis-

XVI.

Dat. 26. Junii  
1677. An. 1.

Exordium.

Species facti  
breviter hic  
descripti, sed  
fusus in se-  
quenti De-  
creto.

Decretum  
Compromis-  
sariorum.

sarium

Dat. 12. Apr.  
1677. An. 1.

Controversiæ ortæ sunt inter d. Principem, & suos Subditos.

Mandatur Episcopo Alexandrino, ut in Causa procedat usque ad sententiam exclusivæ.

Item, ut acta inauthentica forma transmittat.

Compromissum præcipuum spectabat causam firmandi vel revocandi alternativam in Provinciis Indiarum Occidentalium.  
Quid in hac Causa hinc inde antea gestum fuerit.

Quid decretum fuerit in Congregatione Episcoporum & Regularium.

Quid in Brevis Alexandri VII.

Quid in Diffinitorio Provinciae Limanae.

Quid in Capitulo Generali Vallisolerano.

Quid in Congregatione Generali Toletana.

Tandem in altero Capitulo Generali Romano constituti fuerunt Compromissarii Magister Generalis, & Commissarius Indiarum.  
Eisdem a Congregatione Episcoporum, & Regularium fuit, ut causa finiretur.

larium Generalem Indiarum in Curia Regis Catholici consistentem, ut habitis earum notitiis, quæ in Capitulo desiderabantur, provideant & disponant, prout in Domino magis expedire iudicaverint. Pro cuius Compromissii adimplemento in hoc Conventu S. Francisci Madriti convenimus, ad decidendum, & determinandum distas Causas, & id decernendum quod Religiosis bono magis expedire iudicavimus. Cumque Causarum in dicto Capitulo Generali propositarum una sit stabiliendi, vel revocandi alternativam officiorum in Provinciis duodecim Apostolorum Limanæ, & S. Antonii delas Charcas, inter Religiosos ex Hispania oriundos, & Indiarum natos; comperimus in forma sequenti processum fuisse.

§. 3. Quod in Capitulo Generali Romæ de anno 1664. ad instantiam, & exhibitionem Patrum Custodis Limani, Custodis delas Charcas, Proministri, & Custodis de Quinto, Proministri, & Custodis Sanctæ Fidei, & Proministri de Chile Provinciarum Peruan. die 5. Junii in Diffinitorio Generali emanavit Decretum sequens -- Supposita Provinciarum petitione, conceditur alternativa, sicut in nova Hispania uti solet, & quod pro parte Patris Proministri Limani habitus fuit recursus ad Sacram Congregationem Episcoporum, & Regularium, ut dicti Decreti executio impediretur, & citatis partem facientibus supradictis die 29. Junii ejusdem anni, & die 20. immediate sequenti hujusmodi recursus in dicta Congregatione admissus fuit, mandatumque -- Superfederi in executione præfati Decreti omnino -- quodque sub eadem data 20. Junii ad instantiam dictorum Proministrorum, & Custodum obtentum fuit Breve ab Alexandro Papa VII., quo dictum Alternativæ Decretum confirmari, & executioni demandari injunxit. Et quod Rōmus Pater Frater Andreas Guadalupe Commissarius Generalis Indiarum visis dictis Brevis, & Decreto per suas patentes jussit executioni quoque demandari, authenticatoque toto negotio per Regium Indiarum Consilium actum fuit desuper in Diffinitorio Provinciae Limanae prædictæ 30. Septembris 1666., & majori voto suffragio resolutum fuit, quod desuper fieret supplicatio, præfixo ad id per Commissarium Generalem Provinciae biennii termino, ut exhiberentur inconvenientia allegata; subindeque in Capitulo generali Vallisolerano anno 1670., iterum stabilita fuit dicta Alternativa generaliter pro Provinciis Indiarum Occidentalium Reverendissimo Indiarum Commissario Generali dato in mandatis, ut illam ad executionem deduci procuraret in illis Provinciis, quibus effectum sortita non fuerat.

Cumque in dictis Provinciis Limana, & de Charcas sequuta non fuisset executio pro eo, quod allegabant non adfuisse proponendorum supplicationis, & motivorum opportunitatem in Congregatione generali Toletana anni 1674. jussum fuit Diffinitoria dictarum Provinciarum suas proximo Capitulo Generali informationes exhibere, suspensa interim dictorum Statutorum executione, ad cuius jussionis normam in proximo Capitulo Generali Romano 1676. exhibitæ fuerunt informationes dictorum Diffinitiorum ex una, & altera partibus cum Instrumentis facultativis Religiosorum in Hispania progenitorum, alia itidem allegationes, & Informationes, & quia opus erat quibusdam notitiis hac in Curia procurandis Diffinitorium generale fecit in nos Compromissum, prout in supra scripto Decreto. Tandemque, ne resolutioni obstaret Sacrae Congregationis Regularium inhibicio anno 1664. ad eandem recursum fuit facta relatione Commissionis nobis super hac Causa a Capitulo generali proximo Delegatæ, institutumque fuit revocari dictum inhibitivum Decretum, nobis

que committi Causam. Unde ab eadem Congregatione emanavit sequens Decretum -- Sacra Congregatio Eñorum S. R. E. Cardinalium negotiis, & consultationibus Episcoporum, & Regularium præposita, veris existentibus narratis, & prævia supra scripti Decreti ab ipsa Sac. Congregatione de anno 1664. emanati revocatione, censuit committendum, prout præfatis Decreti tenore committit Patri Ministro Generali Ordinis, & Patri Commissario Generali Indiarum, ut conjunctim procedentes ad præscriptum Decreti Capituli Generalis circa Jus prædictæ alternativæ id statuatur, atque decernatur, quod pro eorum arbitrio, & prudentia, quieti, & beneficio præfate Provinciae Limanae in D. magis expedire censebunt. Non obstantibus quibuscumque, Romæ 12. Junii 1676.

§. 4. Quibus omnibus per nos inspectis ex Instrumentis authenticis nobis exhibitis, visisque partium hinc inde informantibus, ponderatisque utrinque allegatis, aliisque omnibus pro firmiori resolutione considerandis auctoritate nobis concessa non solum ex compromisso prædicto Diffinitorii Capituli Generalis, verum etiam ex relato Sacrae Congregationis Regularium Decreto ordinamus, & mandamus stabiliri, & observari in dicta Provincia duodecim Apostolorum Limana Alternativam officiorum inter illius Religiosos in Indiis procreatos, & in Hispaniis progenitos, & de facto illam stabilimus forma sequenti.

§. 5. Quod Provincialis uno triennio eligatur, & sit ex una parte, adeout si obierit, aut alia de causa durante triennio vacaverit Minister Provincialis, Vicarius usque ad celebrationem Capituli sit, & eligatur ex eadem parte, alioque triennio eligatur, & sit ex alia, servata eadem forma. Custos vero si adfuerit eligatur, & sit ex illa parte, ex qua non est Provincialis in dicta forma, & ex quatuor Diffinitoribus duo semper ex una, & duo reliqui ex altera partibus sint, & eligantur. Quo vero ad Guardianos, & alia officia de voto, eligantur indifferenter ex utraque parte secundum qualitatem, merita, & idoneitatem personarum, itaut Guardianus Domus Principalis semper alternetur ex utraque parte de Triennio in Triennium, & omni tempore ( præter Provinciale, aut Custodem, & duos Diffinitores ) eligantur, & adint ex minori parte saltem decem cum Guardianatibus, & Officiis de voto ad hoc ut ex illis majori libertate possint eligi duo Diffinitores. Quo ad lecturas autem, & alia officia tam honoris, quam oneris eligantur indifferenter servata justitia distributiva, & habito respectu majorum meritorum, & majoris idoneitatis juxta Constitutiones generales Ordinis, super quo conscientias Electorum oneramus.

§. 6. Quoad Provinciam Sancti Antonii delas Charcas vigore ejusdem compromissii ordinamus, statuimus, & mandamus observari eandem Alternativam inter Religiosos natos in Indiis, & natos in Hispaniis eadem forma, qua statuimus, & ordinavimus pro d. Limana Provincia, præterquam quod attento pauciori numero Officiorum de voto ordinamus, quod decem Officia de voto, quæ pro Provincia Limana mandavimus eligi saltem ex parte minori in Provincia delas Charcas sint sex ad hoc, ut cum libertate eligantur duo Diffinitores ex gremio Capituli, & observetur quantum fas erit justitia distributiva.

§. 7. Insuper cum altera ex Causis in dicto Capitulo Generali Romano proximo propositis, & pro qua Diffinitorium generale compromissum fuit in nos, fuerit, quod cum in Provincia Sancti Josephi de Tuetan tria Religiosorum genera reperiantur, quorum alii, qui post susceptum in Hispania habitum emissarii Cachupines, alii, qui in Hispania progeniti in ipsa Provincia Indiarum habitum susceperunt Provinciae filii; alii, qui in Indiis ex Parentibus, seu Descendentibus proge-

A Compromissarii firmata est alternativa in Provincia Limana.

Modus servandus in d. Alternativæ Officiorum.

Eadem alternativa statutata est in Provincia S. Antonii delas Charcas.

In Provincia S. Josephi de Tuetan stabilita est alternativa inter Filios Provinciae, ac Cachupines ex una parte, & Criollos ex altera.

niti Criollos nuncupantur. Cumque in dicta Provincia adist alternativa stabilita, & executioni demandata, unam illius partem constituunt nuncupari Criollos, & filii Provinciae, quamvis soli Criollos filii Provinciae, & Cachupines vocatis simul junctis numero majores existant. Unde cum ista dispositio sit minus conformis justitiae distributivae, institutum fuit pro parte Provinciae, ut filii Provinciae aggregarentur illis Cachupines vocatis ad hoc, ut taliter distribuerentur Officia Provinciae in partes aequales, aut quasi aequales, quo per nos inspecto, captisque convenientibus Informationibus vigore dicti Compromissi, ordinamus, statuimus, & mandamus, quatenus dicti filii Provinciae se aggregent Cachupinis, & ex hujusmodi aggregatione una pars constituatur, solis Criollos alteram facientibus, inter quas observetur alternativa modo quo in dicta Provincia stabilita est, juxta Constitutiones generales Ordinis pro Indiis Occidentalibus.

§. 8. Quas resolutiones, & Decreta per nos statuta, & ordinata mandamus in virtute S. Obedientiae ab eis, ad quos pertinet executioni respective demandari in dictis Provinciis sub poena nullitatis contrafaciendorum, revocantes ad hunc effectum praesicere quamcumque aliam Ordinis Constitutionem, quatenus opus sit, ac mandantes, quod principium detur dictae Alternativae in dictis Provinciis de Lima, & Charcas eligendo Provinciale illius partis, ex qua actualiter (quando praesentes intimabuntur) non fuerit Provincialis actualis, qui pro tempore rexerit. Ita decernimus, ordinamus, statuimus, & mandamus in supradicto Conventu Sancti Francisci Madriti 26. Mensis Aprilis 1677.

Joseph Ximenes Samaniego Minister Generalis.

Fr. Joannes Luengo Commissarius Generalis Indiarum.

§. 9. Cum autem sicut eadem expositio subjungebat omnia in decreto hujusmodi contenta sint iusta, & rationi consentanea, nec aliter melius, quam per eorum observantiam paci, ac quieti dictarum Provinciarum consuli posse credatur: nobis propterea dicti Exponentes humiliter supplicari fecerunt, ut sibi in praemissis opportune providere, & ut infra indulgere de benignitate Apostolica dignaremur.

§. 10. Nos igitur ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & poenis a jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendam harum serie absolventes, & absolutas fore censentes, hujusmodi supplicationibus inclinati, de venerabilium fratrum nostrorum S. R. E. Cardinalium negotiis, & Consultationibus Episcoporum, & Regularium praepositorum consilio, & attenta relatione dilecti filii Prioris Generalis dicti Ordinis eisdem Cardinalibus facta, praesertim Decretum a dictis Ministro Generali, & Commissario Indiarum Compromissariis, auctoritate dictae Congregationis Cardinalium factum, illiusque tenorem, & dispositionem circa electionum Alternativam auctoritate Apostolica tenore praesentium approbamus, & confirmamus, ac Apostolicae auctoritatis praesidio munimus, ita ut in omnibus plenarium sortiatur effectum, & aliis, ad quos spectat, inviolabiliter observetur.

§. 11. Irritum enim, & inane, quidquid secus attentatum fuerit, declaramus, & eos, qui Decreti firmitatem, sub quovis praetextu infringere praesumpserint, poenis privationis vocis activae, & passivae, privationis officiorum, aliisque arbitrio nostro imponendis subjicimus: salva ta-

men semper in praemissis auctoritate Congregationis eorumdem Cardinalium.

§. 12. Decernentes ipsas praesentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari; sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 13. Non obstantibus praemissis, ac Constitutionibus, & Ordinationibus Apostolicis, nec non Provincialium, & Ordinis praefatarum, etiam Juramento, confirmatione Apostolica, vel quavis firmitate alia roboratis, statutis, & consuetudinibus: privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 14. Volumus autem, ut earundem praesentium literarum transumptis, seu exemplis, etiam manu alicujus Notarii publici subscriptis, & sigillo Personae in Ecclesiastica dignitate constitutae munitis, eadem prorsus fides ubique locorum, tam in Judicio, quam extra illud habeatur, quae ipsis praesentibus haberetur si forent exhibitae, vel ostensa.

Datum Romae apud S. Petrum sub Anno Piscatoris die XXVI. Junii MDCLXXVII. Pontificatus nostri Anno Primo.

Permittitur Prioribus Localibus Congreg. Eremitarum Camaldulensium Montis Coronae, ut consentiente Eremi Capitulo per se valeant sibi subditis Eremitis dare licentiam pernoctandi extra Eremos intra spatium quinquaginta miliarium.

Vide Constit. 4. Clem. X., quae incip. Ut in Congregatione. Tom. VI. in Append. fol. 8.

INNOCENTIUS PAPA XI.

Ad futuram rei memoriam.

EXponi nobis nuper fecit dilectus filius Josephus Maria a Neapoli Major Congregationis Eremitarum Camaldulen. Montis Coronae quod cum fel. record. Clemens Papa X. praedecessor noster per quasdam suas, in simili forma Brevis literas, inter alia praeeperit, & mandaverit, ut postquam a Capitulo generali, vel Majore, & Visitatoribus dictae Congregationis familiarum, in singulis Eremitis ipsius Congregationis assignatio facta, & illi qui toto anni decursu, cum debitis Priorum localium licentiis, propter urgentem aliquam necessitatem, Eremitis per quinquaginta miliarium spatium, juxta praescriptum Constitutionum ejusdem Congregationis, a rec. me. Clemente Papa Nono praedecessore pariter nostro specificis confirmatum egredi possunt, deputari fuissent, nec ullis Prioribus localibus, nec ullis Deputatis ad negotia sine licentia Majoris, & Visitatorum praedictorum, semel in anno obtinenda intra spatium quinquaginta miliarium hujusmodi, neque ullis dictorum Priorum subditis, sine speciali eorumdem Majoris, & Visitatorum licentia, toties quoties impetranda, Eremitis egredi, ac extra illos pernoctare, de cetero ullo modo liceret,

XXVII.

Dat. 15. Julii  
1677. An. 1.

Species facti.

Preces fratrum in Provinciis Occidentalibus.

Confirmatur a Pontifice Decretum de alternativa.

Clausula.